

تلفون ۱۰۹۷

امور اداره و تحریریه و اعلانات و سائرہ
ایچون مدیر مشولہ مراجعت ایدیلیدر .

عرفای امتک مقالات متصوفانہ لربہ
جریڈہ صوفیہ تک صحیفہ لری آجیندر .
درج ایدیلان اوراق اعادہ ایدلز .

حجر الایضوف فیہ

شیمدیات هفته ده بر نشر اولتور .

نسخہ سی ۴۰ پاره در .

ابونہ سی: برسنہک اعتباریلہ مالک عثمانیہ
ایچون پشین اولہرق ۴۰ آلی آیلہی ۲۵
غروش و مالک اجنبیہ ایچون اون ایکی فراتدر

عمل اداره باب عالی جوارندہ ابوالسعود
جادہ سندہ نجم استقبال مطبعہ سی

سنہ — ۴

تصوفی ، دینی ، اخلاقی ، ادبی ، سیاسی جریڈہ اسلامیہ در .


عدد — یوز

(تصوف ده قیل وقال و وجد و حال)

تصوف ، باشلی باشنه بر حکمت شامله در . وجود مطلق ، کائنات
افاقیه و انفسیه ، حقیقت و حیثیت انسانیه کی مسائل غامضه حقنده
آری آری مباحثی جامعدر که آنلرک هربری ده کندنجه بر مجموعه
عقائددر . لکن بتون بومبختلره و بومسائله دایر یازیلن سویله ن شیلر
تصوفک صرف معلومات قسمی تشکیل ایدر . حالوکه بر انسان
یالکمز علم ایله صوفی اوله ماز ؛ برده (حال) لازمدر . بو حال (جذبہ
من جذبات العشق) منطوقنجه روحک منشاء اصلیسنه علاقه محبتہ
اجذابندن حصوله کلیر خارق العاده بر کیفیت ذوقیه اولدینی ایچون
قاله کلز بر نشئه لاهوتیه در . ایلریده بو حال استغراقی تعریف ایتک
دکل ، فقط اونشئیه ایریشن کتیلن عرفانک فیض الهام ایله سویله دکتری
اشعار علویہ بی عرض ایلوب ، نصیب اولدینی قدر ذوقه وارہ بیلمک
ایچون الک اعلا نمونہ لری بوراده ایراد و ترجمه ایدم جکم .

معافیه تصوفک منحصر آ علمی بر قسمیده واردرکه — دهمین
عرض ایتدیکم کی — اصل جهت حکمتی در ؛ و حقیقت انشا بختده
ذهن متفکره تبادر ایدن مسائل متفرعه بی جامعدر . ایشته تصوفک
بو قسمی لایقله موضوع بحث اوله بیلیر ؛ اکلاشیله بیلیر ، اکلاتیلہ بیلیر .
بوسیلہ درکه حضرت شیخ اکبر محی الدین ابن العربی ، حضرت
مولانا جلال الدین رومی ، ملا جامی ، شیخ عطار کی عرفای اهل
حال ، محمود شبستری ، فخرالدین عراقی و امثالی کی شعرا صوفیه
بر جوق قیمندار و دلپذیر اثرلر یازهرق بو حکمت شرقیه تک دقائق
و غوامضی اصولی بر صورتده تعریفه همت ایله مشلردر . بناء علیه
تصوف یالکمز حاله منحصر قالمق لازم کسه ایدی ، بو ذوات کرام
اوزون اوزادی به کتاب تألیفنه و مباحث حکم تصنیفنه حاجت کورمز .
لردی . نتکم صوفیه تک طبقه اولاسنی تشکیل ایدن اهل خال ، هان
اکثریتله هیچ بر کتاب یازمغه التفات ایتمه مشلردر .

شو ملاحظاتدن لایقله اکلاشیلیورکه تصوفده جهت حکمت آری
وجود حال آری مطالعه اولتمق لازم کلیر . فی الحقیقه بو مذهبده
مقصود اصلی وصال حقدر . او ذوقه وارمق ایچون دلیل اولان



اجله عرفای عثمانیہ دن سلا نیک والی سابق ناظم پاشا
حضرت تلیزیک اثر علیه لرندن اولان بومظلومه ایله ایلک نسخه مزی
ترین ایدم جکم کی دیکر لرینی بی دربی عرض انظار قارئین
ایله جکم .

هر تجلیده برر خارقه ایجاد ایدرم
شعری ناطقه تحت ایله انشاد ایدرم
بزم ظلمتک هیچیده بلا قید وجود
شمعی برق تجلی ایله ایقاد ایدرم
کاه مجلا اولورم جلوہ جهل محضه
کندی بی بلیه رک کندیمی ارشاد ایدرم
وقت اولور نشئه فرق ایله دل هشیاری
روش حادثه عالمه مرصاد ایدرم
وقت اولور نشوء جمعک اولورم مدهوشی
کفر و ایمانی فراموش ایدر الحاد ایدرم
کاه فی الحال اولورم تابع حکم ادراک
کاه ادراکیده حکمه منقاد ایدرم
ذوق پیدر پی تجرید ایله مست اولدقچه
هر تجلیده برر خارقه ایجاد ایدرم

